

Rhaglen Gyflawn

Cyfarfod

IS-BWYLLGOR TRWYDDEDU CYFFREDINOL

Dyddiad ac Amser

2.00 y.h., DYDD IAU, 10FED MAWRTH, 2022

Lleoliad

Cyfarfod Rhithiol

*** I gael mynediad cyhoeddus i'r cyfarfod, cysylltwch â ni ***

Pwynt Cyswllt

Lowri Haf Evans

01286 679878

lowrihafevans@gwynedd.llyw.cymru

(Dosbarthwyd Dydd Mercher, 2 Mawrth 2022)

IS-BWYLLGOR TRWYDDEDU CYFFREDINOL

AELODAETH (3)

Y Cynghorwyr

Annwen Hughes (Cadeirydd)

Gareth Tudor Morris Jones

Edgar Wyn Owen

Elfed Williams (Eilydd)

Aelod Lleol

Y Cynghorydd Gethin Glyn Williams

R H A G L E N

1. YMDDIHEURIADAU

I dderbyn unrhyw ymddiheuriadau am absenoldeb

2. DATGAN BUDDIANT PERSONOL

I dderbyn unrhyw ddatganiad o fuddiant personol

3. MATERION BRYS

Nodi unrhyw eitemau sy'n fater brys ym marn y cadeirydd fel y gellir eu hystyried.

4. CAIS AM DRWYDDED SIOP RHYW

21 - 49

I ystyried cais Eva Amour, 6th St Anne Square, Stryd Fawr, Abermaw, LL42 1DL

TREFN MEWN GWRANDAWIADAU TRWYDDEDU

1. Adroddiad ysgrifenedig gan yr Adain Trwyddedu gydag argymhelliad.
2. Gall aelodau'r Is-bwyllgor ofyn cwestiynau i gynrychiolydd y Cyngor.
3. Ar ddisgresiwn y Cadeirydd gall yr ymgeisydd neu ei gynrychiolydd ofyn cwestiynau i gynrychiolydd y Cyngor.
4. Gall yr ymgeisydd neu ei gynrychiolydd ymhelaethu ar ei gais ac yna galw tystion
5. Gall aelodau'r Is-bwyllgor ofyn cwestiynau i'r ymgeisydd neu ei gynrychiolydd
6. Gwahoddiad i bob ymgynghorai gefnogi sylwadau ysgrifenedig
7. Gall aelodau'r Is-bwyllgor ofyn cwestiynau i'r ymgynghorai.
8. Ar ddisgresiwn y Cadeirydd, gall cynrychiolydd y Cyngor a'r ymgeisydd neu ei gynrychiolydd grynhoi eu hachos.

Cyngor Gwynedd

**Deddf Llywodraeth Leol
(Darpariaethau Amrywiol) 1982**

**Datganiad o Bolisi Trwyddedu
Sefydliadau Rhyw**



CYNNWYS

DATGANIAD O BOLISI TRWYDDEDU SEFYDLIADAU RHYW

1. Cyflwyniad
2. Y Gyfraith
3. Y Broses Ymgeisio.
4. Ystyried Cais.

Ystyried Sylwadau

Seiliau dros Wrthod

Ffactorau i'w Hystyried

Pa mor Addas yw'r Ymgeisydd

Ymddygiad a Rheoli

5. Penderfynu ar Gais
6. Gorfodi ac Archwilio Eiddo

ATODIAD A - Rheoliadau ac Amodau Safonol y Drwydded.

ATODIAD B - Amod yn ymwneud â Lleoliadau Adloniant Rhyw.

DATGANIAD O BOLISI TRWYDDEDU SEFYDLIADAU RHYW

1. CYFLWYNIAD

- 1.1 Mae Cyngor Gwynedd fel Awdurdod Trwyddedu yn ystyried pob cais am drwydded ac yn penderfynu ar bob un cais ar ei rinweddau unigol. Fodd bynnag, er cysondeb, tryloywder a thegwch, dros y blynyddoedd mae'r Pwyllgor Trwyddedu wedi mabwysiadu nifer o bolisiau ac egwyddorion cyffredinol i'w dywys wrth ystyried ceisiadau.
- 1.2 Mae manylion y polisiau a'r egwyddorion hynny sy'n berthnasol i reoli Sefydliadau Rhyw wedi cael eu hamlinellu yn y ddogfen hon. Mae'r polisi yn berthnasol i geisiadau am ganiatáu, adnewyddu, amrywio a throsglwyddo trwyddedau sefydliadau rhyw ar gyfer eiddo sy'n gweithredu yn ardal Cyngor Gwynedd.
- 1.3 Cyflwynodd y Ddeddf Llywodraeth Leol (Darpariaethau Amrywiol) 1982 (y Ddeddf) gynllun trwyddedu i reoli sefydliadau rhyw, sef, siopau rhyw a sinemâu rhyw. Mae'r Ddeddf wedi cael ei haddasu gan y Ddeddf Plismona a Throsedd 2009 i gynnwys eiddo sy'n darparu adloniant o'r math dawnsio glin.
- 1.4 Nid oes modd gorfodi'r cynllun os nad yw'r awdurdod lleol wedi mabwysiadu'r Ddeddf. Mabwysiadodd y Cyngor Ddeddf 1982, fel y'i diwygiwyd, mewn cyfarfod o'r Cyngor Llawn ar 7 Hydref 2021; ac fe ddaw'n weithredol ar y 6ed o Rhagfyr 2021.
- 1.5 Mae'r cynllun trwyddedu yn gosod dyletswydd ar awdurdod lleol i wrthod trwydded trwy gyfeirio at, ymysg pethau eraill, euogfarnau ymgeiswyr. Mae hefyd yn rhoi'r grym i awdurdod lleol wrthod caniatáu neu adnewyddu trwydded trwy gyfeirio at nifer y sefydliadau rhyw y mae'r awdurdod lleol yn ystyried sy'n briodol i ardal leol yr eiddo, testun y cais a chymeriad yr ardal leol.
- 1.6 Mae'r datganiad hwn yn amlinellu polisi'r Cyngor fydd yn arwain yr awdurdod trwyddedu wrth ystyried ceisiadau am drwyddedau, gan ystyried ysbryd a bwriad Deddf 1982 a chyfraith achos a benderfynwyd ers hynny. Ni fydd y Cyngor yn dilyn y polisi hwn yn hollol gaeth, yn hytrach, bydd yn ystyried yr holl ffactorau perthnasol wrth benderfynu ar gais. Caiff pob achos ei benderfynu yn ôl ei rinweddau ei hun.

2 Y GYFRAITH.

Cyflwynodd Atodlen 3 Deddf Llywodraeth Leol (Darpariaethau Amrywiol) 1982 system drwyddedu i reoli sefydliadau rhyw. Ni all unrhyw sefydliad rhyw weithredu heb dderbyn trwydded gan y Cyngor. Gall trwydded o'r fath gynnwys amodau fydd yn cyfyngu ar sut all yr eiddo hwnnw fasnachu. Diwygiwyd Deddf 1982 gan Adran 27 y Ddeddf Plismona a Throsedd a ychwanegodd Lleoliad Adloniant Rhyw fel eiddo sy'n rhaid cael trwydded.

Diffiniadau

Yn y ddogfen hon, bydd yr ymadroddion a ganlyn yn golygu'r hyn a nodir isod:-

"Deddf 1982" - Deddf Llywodraeth Leol (Darpariaethau Amrywiol) 1982 fel y'i diwygiwyd gan Adran 27 Deddf Plismona a Throsedd 2009.

"Y Cyngor" - Cyngor Gwynedd

"Yr eiddo trwyddedig" - unrhyw eiddo, gerbyd, llong/cwch neu stondin sydd wedi'i drwyddedu dan Ddeddf 1982.

"Deilydd y drwydded" - person sy'n dal trwydded Sefydliad Rhyw.

"Oriau a ganiateir" - yr oriau y mae caniatâd i'r eiddo trwyddedig fod ar agor i'r cyhoedd dan Reoliadau 2 a 3.

"Trwydded Sefydliad Rhyw" - trwydded sydd wedi'i chaniatáu yn unol ag Atodlen 3 Deddf 1982.

Bydd gan yr ymadroddion a ganlyn, "Sefydliad Rhyw", "Siop Rhyw", "Sinema Rhyw", "Eitem Rhyw" a "Llong" yr un ystyr â roddir iddynt yn ôl eu trefn dan Atodlen 3 Deddf 1982. Wedi'u cynnwys isod:

"Sefydliad Rhyw" - "Sinema Rhyw" neu "Siop Rhyw"

Golyga "Sinema Rhyw" unrhyw eiddo, cerbyd, llong neu stondin a ddefnyddir i raddau sylweddol i arddangos ffilmiau, waeth sut maent wedi'u cynhyrchu,

- (a) sy'n ymwneud yn bennaf a phortreadu, neu'n ymdrin â neu'n berthnasol i, neu a fwriedir i ysgogi neu annog -
 - i) gweithgarwch rhywiol; neu
 - ii) gweithredoedd grym neu atal sy'n gysylltiedig â gweithgarwch rhyw; neu
- (b) sy'n ymwneud yn bennaf â phortreadu organau cenhedlu neu weithrediadau pi-pi ac ysgarthu, neu'n ymdrin neu'n ymwneud yn bennaf â hwy, ond nid yw'n cynnwys tai preswyl lle nad oes mynediad i'r cyhoedd.

"Siop Rhyw" - unrhyw eiddo, gerbyd, llong neu stondin a ddefnyddir i fusnes sy'n cynnwys graddau sylweddol o werthu, hurio, cyfnewid, benthyca, arddangos neu amlygu

-

- (a) eitemau rhyw; neu
- (b) bethau eraill y bwriedir eu defnyddio yn gysylltiedig â, neu er mwyn ysgogi neu annog -
 - i) gweithgarwch rhywiol; neu
 - ii) gweithredoedd o rym neu ataliaeth sy'n gysylltiedig â gweithgarwch rhyw.

"Eitemau Rhyw" - unrhyw beth sydd wedi'i wneud er mwyn ei ddefnyddio mewn cysylltiad â, neu er mwyn ysgogi neu annog -

- i) gweithgarwch rhywiol; neu
 - ii) gweithredoedd o rym neu ataliaeth sy'n gysylltiedig â gweithgarwch rhyw; ac
- (a) unrhyw beth y mae'r is-baragraff isod yn berthnasol iddo.

Mae'r is-baragraff hwn yn berthnasol i -

- (a) unrhyw eitemau sy'n cynnwys neu'n ymgorffori deunydd i gael ei ddarllen, i edrych arno neu unrhyw beth y bwriedir ei ddefnyddio, un ai ar ben ei hun neu fel rhan o gyfres, i atgynhyrchu neu gynhyrchu unrhyw eitemau o'r fath; ac
- (b) i unrhyw recordiad o luniau neu sŵn, sy'n -
 - i) ymwneud yn bennaf â phortreadu, neu sy'n ymdrin yn bennaf neu'n berthnasol i, neu a fwriedir i ysgogi neu annog, gweithgarwch rhyw neu weithredoedd grym neu ataliaeth sy'n gysylltiedig â gweithgarwch rhyw; neu
 - ii) sy'n ymwneud yn bennaf â phortreadu, neu'n ymdrin yn bennaf neu'n ymwneud ag organau cenhedlu neu weithrediadau pi-pi ac ysgarthu, ond nid yw'n cynnwys tai preswyl lle nad oes mynediad i'r cyhoedd.

"Lleoliad Adloniant Rhyw" - eiddo sy'n darparu adloniant i gynulleidfa, yn amlach nag unwaith y mis, perfformiadau byw neu ddangos noethni y bwriedir iddo beri cynnwrf rhywiol

3 Y BROSES YMGEISIO

- 3.1 Mae modd ymgeisio am drwydded newydd neu adnewyddu, amrywio neu drosglwyddo trwydded bresennol. Rhaid llenwi a chyflwyno'r ffurflen gais gydag unrhyw ddogfennaeth berthnasol sy'n cefnogi'r cais a'i dychwelyd i'r awdurdod trwyddedu gyda'r ffi briodol yn unol â ffioedd a thaliadau'r Cyngor.
- 3.2 Mae'r awdurdod wedi cytuno i amodau safonol (Atodiad A) trwydded y bydd gofyn i bob ymgeisydd gydymffurfio â hwy.
- 3.3 Bydd angen hysbysebu rhybudd o'r cais ar yr eiddo, neu wrth ei ymyl, ac mewn papur newydd sy'n cael ei ddosbarthu yn ardal yr eiddo. Rhaid i'r rhybudd nodi'n glir at ba eiddo y mae'n cyfeirio. Bydd y rhybudd ar yr eiddo, neu wrth ei ymyl, yn cael ei arddangos am 21 diwrnod gan ddechrau ar ddyddiad y cais a rhaid ei roi mewn lleoliad sy'n gyfleus i'r cyhoedd ei ddarllen. Bydd y rhybudd yn y papur newydd yn cael ei gyhoeddi ddim hwy na 7 diwrnod ar ôl dyddiad y cais. Bydd y rhybudd yn darparu manylion yr ymgeisydd a phwrrpas y cais, yr oriau gweithredu arfaethedig a bydd yn cynghori unrhyw un sy'n dymuno gwneud sylwadau i wneud hynny gan gofio eu cyflwyno o fewn y cyfnod hwnnw.
- 3.4 Bydd yr awdurdod trwyddedu yn ymgynghori â Heddlu Gogledd Cymru, Gwasanaeth Tân ac Achub Gogledd Cymru, yr awdurdod cynllunio, yr awdurdod addysg, ac 'r Bwrdd Iechyd Lleol/Iechyd Cyhoeddus Cymru, a chynghorwyr wardiau lleol. Efallai y bydd yr ymgeiswyr yn dymuno trafod y cais gyda chynrychiolwyr lleol neu grwpiau preswylwyr lleol cyn cyflwyno cais.

4 YSTYRIED CAIS

Bydd y Cyngor yn ystyried pob cais yn ôl ei rinweddau unigol.

Ystyried Sylwadau

- 4.1 Rhaid i sylwadau ar gais am drwydded ddatgan pam eu bod yn gwrthod a rhaid eu cyflwyno'n ysgrifenedig i'r awdurdod, i gael eu derbyn ddim hwyrach na 28 diwrnod ar ôl dyddiad derbyn y cais.
- 4.2 Bydd ceisiadau am gymeradwyo, trosglwyddo neu amrywio trwydded, neu i adnewyddu trwydded sy'n derbyn sylwadau, yn cael eu cyfeirio at Is Bwyllgor Bwyllgor Trwyddedu Cyffredinol er mwyn i'r aelodau benderfynu ar y cais. Os na dderbynnir unrhyw wrthwynebiadau, bydd ceisiadau i adnewyddu trwydded yn cael eu cymeradwyo dan awdurdod dirprwyedig gan swyddogion.
- 4.3 Pan fo'r awdurdod yn derbyn sylwadau, bydd yn rhoi manylion am nifer y sylwadau a'u natur gyffredinol i'r ymgeisydd.

Seiliau dros Wrthod

- 4.4 Bydd cais am drwydded yn gyffredinol yn cael ei wrthod ar y seiliau a ganlyn, sydd wedi'u cynnwys yn Neddf Llywodraeth Leol (Darpariaethau Amrywiol) 1982:

- a) mae'r ymgeisydd yn iau na 18 mlwydd oed
- b) mae'r ymgeisydd wedi colli trwydded yn y flwyddyn ddiwethaf
- c) nid yw'r ymgeisydd wedi byw yn y DU yn y chwe mis diwethaf
- d) mae'r ymgeisydd yn gwmni, nad yw wedi'i ymgorffori yn y DU
- e) mae cais gan yr ymgeisydd ar gyfer yr eiddo wedi cael ei wrthod yn y deuddeg mis diwethaf

4.5 Mae modd gwrthod trwydded hefyd os yw'r Cyngor yn ystyried:

- a) fod yr ymgeisydd yn anaddas i ddal y drwydded am ei fod wedi derbyn collfarn am drwydded neu am unrhyw reswm arall
- b) pe bai'r busnes yn cael ei reoli neu ei weithredu er budd person, ac eithrio'r ymgeisydd, fyddai ddim yn derbyn trwydded pe bai'n ymgeisio am un ei hun.
- c) nifer y sefydliadau rhyw yn yr ardal berthnasol yn gyfartal neu'n uwch na'r nifer yr ystyrir yn briodol i'r cyffiniau gan y Pwyllgor.
- d) byddai caniatáu'r drwydded yn amhriodol o ystyried: -
 - (i) cymeriad yr ardal leol berthnasol; neu
 - (ii) defnydd unrhyw eiddo yn y cyffiniau; neu
 - (iii) gosodiad, cymeriad, cyflwr neu leoliad yr eiddo.

Ffactorau i'w Hystyried.

4.6 Wrth ystyried ceisiadau am gymeradwyo trwyddedau newydd neu amrywio amodau, bydd y Cyngor yn asesu'r tebygolrwydd y byddai cymeradwyo'r drwydded yn peri effeithiau andwyol, yn enwedig ar breswylwyr lleol. Bydd y Cyngor yn ystyried y materion cyffredinol a ganlyn: -

- y math o weithgaredd sydd yn yr arfaeth
- hyd y drwydded arfaethedig
- oriau gweithredu arfaethedig
- gosodiad a chyflwr yr eiddo
- defnydd eiddo yn y cyffiniau
- cymeriad yr ardal leol y mae'r eiddo wedi'i leoli ynddi.

4.7 Wrth ystyried ceisiadau am gymeradwyo trwyddedau newydd neu amrywio amodau, bydd y Cyngor yn ystyried effeithiau posib y gweithgaredd trwyddedig ar:-

- drosedd ac anhrefn
- effaith gronnus eiddo trwyddedig yn yr ardal, yn cynnwys oriau gweithredu
- cymeriad yr ardal leol y mae'r eiddo wedi'i leoli ynddi
- p'un a oes mesurau priodol wedi'u cytuno ac a yw'r ymgeisydd wedi'u rhoi ar waith i leddfu unrhyw effeithiau andwyol.

4.8 Ni fydd trwyddedau ond yn cael eu caniatáu mewn ardaloedd sy'n addas ar gyfer defnydd o'r fath yn ddibynnol ar amgylchiadau unigol. Mae'r Cyngor yn ystyriol o'i rym i benderfynu na ddylid lleoli sefydliad rhyw mewn lleoliad penodol ond bydd yn penderfynu ar leoliad fel mater o ffaith i gael ei benderfynu gan amgylchiadau penodol pob achos ac nid trwy lunio ffiniau ar fap.

4.9 Ar gyfer ceisiadau newydd, bydd y Cyngor yn defnyddio oriau gweithredu rhwng 09.00 a 18.00 ar unrhyw ddydd oni bai am ddydd Sul, Dydd Nadolig a Dydd Gwener y Grogllith pan na ddylid agor yr eiddo. Wrth ystyried lleoliad ceisiadau newydd, bydd y Cyngor yn ystyried: -

- agosrwydd i ardaloedd preswyl;
- agosrwydd i addoldai ac ysgolion;
- agosrwydd i ardaloedd sydd â'r lefelau uchaf o droseddau wedi'u cofnodi; ac
- effaith gronns gweithgareddau trwyddedig perthnasol yn y cyffiniau.

4.10 Pan gyflwynir cais i adnewyddu neu amrywio trwydded, bydd y Cyngor yn ystyried: -

- lefelau trosedd ac anrhefn wedi'u cofnodi yn y cyffiniau;
- tystiolaeth o effeithiau andwyol amlwg y gweithgaredd ar ddiogelwch a mwynderau preswylwyr lleol;
- p'un a oes mesurau priodol wedi'u cytuno ac a yw'r ymgeisydd wedi'u rhoi ar waith i leddfu unrhyw effeithiau andwyol.

Addasrwydd yr Ymgeisydd

4.11 Rhaid i ymgeisydd fod yn berson addas a phriodol i ddal trwydded. Wrth benderfynu addasrwydd ar gyfer trwydded newydd neu drosglwyddo trwydded, bydd y Cyngor, yn y rhan fwyaf o achosion yn ystyried:-

- gwybodaeth a phrofiad blaenorol o'r ymgeisydd;
- unrhyw dystiolaeth o sut y mae'r ymgeisydd wedi gweithredu unrhyw drwydded bresennol neu flaenorol, yn cynnwys unrhyw drwydded a ddelir mewn unrhyw fwrdeistref arall;
- ac unrhyw adroddiad am yr ymgeisydd a sut y caiff yr eiddo ei reoli a dderbynnir gan wrthwynebwyr statudol.

Ymddygiad a Rheolaeth

4.12 Mae'r Cyngor yn gofyn i bob trwyddedai sicrhau ei fod ef a'i weithwyr yn cydymffurfio â'r holl amodau trwydded perthnasol a rheoliadau iechyd a diogelwch.

4.13 O ran rheoli eiddo trwyddedig, mae'r Cyngor yn annog yn gryf y dylai deilydd y drwydded, pan fo hynny'n bosib ac yn briodol: -

- weithio gydag asiantaethau statudol megis yr Heddlu, a'r Cyngor i greu a chynnal amgylchedd diogel, o fewn eiddo trwyddedig ac yn yr amgylchoedd o'u hamgylch;
- yn arbennig y rhai hynny y mae eu heiddo wedi'u lleoli mewn ardaloedd gyda'r lefelau uchaf o drosedd wedi'u cofnodi, datblygu strategaethau atal trosedd mewn ymgynghoriad â'r Heddlu a'r Cyngor.
- datblygu strategaethau a gweithdrefnau i gynyddu mynediad i bobl anabl i'r eiddo;
- hyfforddi pob staff perthnasol mewn meysydd megis iechyd a diogelwch, cymorth cyntaf, a rhagofalon tân.

4.14 Yn gyffredinol, cyflwynir trwyddedau am flwyddyn ond gellir eu cyflwyno am gyfnod byrrach os yw hynny'n briodol.

5 PENDERFYNU AR CAIS

5.1 Oni bai fod y drwydded yn cael ei hadnewyddu heb wrthwynebiad; bydd cais yn cael ei benderfynu gan is-bwyllgor o aelodau Pwyllgor Trwyddedu Cyffredinol y cyngor. Bydd yr ymgeisydd yn derbyn copi o'r adroddiad Pwyllgor, yn cynnwys crynodeb o'r cais, sylwadau ac unrhyw wybodaeth berthnasol arall, cyn y cyfarfod. Bydd yr ymgeisydd ac unrhyw wrthwynebwyr neu gefnogwyr sydd wedi gwneud sylwadau o fewn y cyfnod statudol, yn cael gwybod am ddyddiad, amser a lleoliad y gwrandawriad i ystyried y mater ac yn derbyn gwahoddiad i'w fynychu.

5.2 Bydd y Pwyllgor yn ystyried y cais mewn gwrandawriad. Wrth ystyried y cais bydd y drefn a ganlyn yn cael ei mabwysiadu:

- bydd yr ymgeisydd yn cael cyfle i wrando ar y gwrthwynebydd a nodi beth a ddywedir;
- dim ond gwrthwynebwyr, neu eu cynrychiolwyr, sydd wedi cyflwyno gwrthwynebiadau ysgrifenedig yn ystod y cyfnod ymgynghori statudol fydd yn cael caniatâd i siarad gerbron y Pwyllgor;
- caiff y gwrthwynebwyr, os ydynt yn bresennol, siarad gerbron y Pwyllgor os ydynt yn dymuno gwneud hynny. Rhaid i gyflwyniad y gwrthwynebydd gadw at yr hyn sydd wedi cael ei gyflwyno'n ysgrifenedig a sut mae'n berthnasol i'r seiliau statudol dros wrthod.
- wedyn fe gaiff yr ymgeisydd gyfle i siarad gerbron y pwyllgor ar y cais a darparu gwybodaeth i gefnogi'r cais.
- caiff y gwrthwynebydd fod yn bresennol i wrando ar achos yr ymgeisydd, ond ni chaiff siarad.
- y Pwyllgor i ofyn i'r gwrthwynebydd, yr ymgeisydd a'r cyhoedd i adael yr ystafell wrth i'r aelodau ystyried eu penderfyniad.
- gwahodd y gwrthwynebydd, yr ymgeisydd a'r cyhoedd i ddychwelyd i wrando ar y Pwyllgor yn datgan eu penderfyniad.
- bydd yr awdurdod trwyddedu yn cadarnhau'r penderfyniad yn ysgrifenedig i'r holl bartion o fewn 7 diwrnod yn dechrau o ddiwrnod y gwrandawriad.

5.3 Bydd pob trwydded a gyflwynir yn destun i reoliadau ac amodau safonol y drwydded a ddangosir yn Atodiad A.

6 GORFODI AC ARCHWILIO EIDDO

6.1 Bydd yr Awdurdod Trwyddedu'n gweithio'n agos ag asiantaethau eraill yn ôl y gofyn i roi sylw i faterion perthnasol. Pan fydd camau gorfodi'n cael eu gweithredu, bydd hynny yn unol â'r egwyddorion a amlinellwyd ym Mholisi Gorfodi Trwyddedu'r awdurdod. Bydd systemau archwilio'n seiliedig ar asesiad risg o'r eiddo unigol.



ATODIAD A - Rheoliadau ac Amodau Safonol y Drwydded.

CYNGOR GWYNEDD RHEOLIADAU AR GYFER SEFYDLIADAU RHYW

Mae Cyngor Gwynedd, wrth arfer y grymoedd a roddir arno gan baragraff 13 Atodlen 3, Deddf Llywodraeth Leol (Darpariaethau Amrywiol) 1982 a phob grym arall sy'n ei alluogi i'r perwyl hwnnw i wneud y Rheoliadau a ganlyn.

Diffiniadau

- 1.(a) Yn y Rheoliadau hyn bydd gan yr ymadroddion a ganlyn, hynny yw "Sefydliad Rhyw", "Siop Rhyw", "Sinema Rhyw", "Lleoliad Adloniant Rhyw", "Nwyddau Rhyw", a "Llong" yr ystyron a roddir iddynt yn ôl eu trefn dan Atodlen 3 y Ddeddf.

- (b) Dan y Rheoliadau hyn bydd yr ymadroddion a ganlyn yn golygu'r hyn a briodolir iddynt, sef:

-

"y Ddeddf" - Deddf Llywodraeth Leol (Darpariaethau Amrywiol) 1982.

"y Cyngor" - Cyngor Gwynedd.

"yr eiddo trwyddedig" - unrhyw eiddo, gerbyd, llestr neu stondin sydd wedi'i drwyddedu dan y Ddeddf

"Deilydd y drwydded" - unrhyw berson sy'n dal trwydded sefydliad rhyw.

"Trwydded sefydliad rhyw" - trwydded sydd wedi'i chaniatáu yn unol ag Atodlen 3 y Ddeddf.

"Cymeradwyaeth y Cyngor" - cymeradwyaeth y Cyngor yn ysgrifenedig dan law Pennaeth Adran Amgylchedd neu ei gynrychiolydd enwebedig.

"Caniatâd y Cyngor" - caniatâd ysgrifenedig y Cyngor.

"Cymeradwywyd" - gan y Cyngor yn ysgrifenedig.

Cyffredinol

2. Pe bai gwrthdaro rhwng y Rheoliadau hyn ac unrhyw amodau arbennig sydd wedi'u cynnwys mewn trwydded sy'n ymwneud â Sefydliad Rhyw'r amodau arbennig fydd yn trechu.
3. Mae'r Cyngor yn cadw'r hawl i addasu, dileu neu ychwanegu amodau ar unrhyw amser os tybir fod hynny'n briodol.
4. Ni ystyrir bod caniatáu trwydded ar gyfer Sefydliad Rhyw yn cyfleu unrhyw gymeradwyaeth neu gydsyniad a allai fod yn ofynnol dan unrhyw ddeddfiad, orchymyn neu reoliad ac eithrio'r Atodlen 3 Deddf

Llywodraeth Leol (Darpariaethau Amrywiol) 1982. Wrth ddefnyddio'r Drwydded, bydd deilydd y Drwydded yn ystyried unrhyw ddeddfwriaeth sy'n ardaro'r gweithgareddau arfaethedig.

5. Bydd deilydd Trwydded Sefydliad Rhyw yn cadw at reoliadau ac amodau o'r fath wrth i'r Cyngor eu cymeradwyo o dro i dro.

Amseroedd Gweithredu

6. Ac eithrio pan fo caniatâd ymlaen llaw gan y Cyngor, ni fydd Sefydliad Rhyw ar agor i'r cyhoedd cyn 09.00 a ni fydd ar agor ar ôl 18.00.
7. Ac eithrio caniatâd ymlaen llaw gan y Cyngor, ni fydd Sefydliad Rhyw ar agor ar ddydd Sul, dydd Gwener y Groglith a Dydd Nadolig.

Amodau Safonol

8. Ni chaniateir defnyddio'r eiddo Trwyddedig ar gyfer unrhyw ddiben oni bai am fusnes Sefydliad Rhyw.
9. Pan fo'r Trwyddedai'n gorff corfforaethol neu'n gorff anghorfforedig, bydd unrhyw newid yn y Cyfarwyddwr / Ysgrifennydd y Cwmni neu unrhyw berson arall sy'n gyfrifol am reoli'r corff, i'w hysbysu i'r Cyngor o fewn 14 diwrnod o unrhyw newid ac mae unrhyw fanylion ysgrifenedig y gallai'r Cyngor fod eu hangen mewn perthynas ag unrhyw Gyfarwyddwr, Ysgrifennydd neu Reolwr newydd i'w cyflwyno i'r Cyngor o fewn 14 diwrnod i dderbyn cais ysgrifenedig gan y Cyngor.
10. Bydd y Trwyddedai, neu unrhyw berson a enwir gan y Trwyddedai yn ysgrifenedig at ddiben rheoli'r Sefydliad Rhyw yn ei absenoldeb, ac mae'r manylion (yn cynnwys ffotograffau) wedi cael eu cyflenwi a'u cymeradwyo'n ysgrifenedig gan y Cyngor, yn gyfrifol am redeg yr Eiddo yn ystod yr holl amser y mae ar agor i'r cyhoedd.
11. Bydd enw'r person sy'n gyfrifol am reoli'r Sefydliad Rhyw yn cael ei arddangos yn amlwg yn y Sefydliad Rhyw.
12. Ni chaiff unrhyw berson sydd wedi derbyn collfarn am:-
 - drosedd yn gysylltiedig â Sefydliad Rhyw trwyddedig neu heb drwydded
 - trosedd rhyw
 - trosedd yn ymwneud â gwerthu fideos sydd wedi'u cyfyngu i oedolion dros 18 oed fod yn gyflogedig yn yr eiddo na bod yn rhan o gyflenwi adloniant neu nwyddau yn yr eiddo.
13. Bydd y Trwyddedai neu'r person cyfrifol yn cadw cofrestr ddyddiol i'w chadw ar yr eiddo y bydd ef / hi yn ei defnyddio i gofnodi enw a chyfeiriad unrhyw berson sy'n gyfrifol am reoli'r Sefydliad Rhyw yn ei absenoldeb ac enwau a chyfeiriadau'r sawl sy'n gyflogedig yn y Sefydliad Rhyw. Dylid llenwi'r gofrestr pob diwrnod o fewn hanner awr i agor y Sefydliad Rhyw a dylai fod ar gael i gael ei harchwilio gan yr Heddlu a chan swyddogion awdurdodedig y Cyngor.

Eiddo

14. Bydd copïau o'r drwydded a'r amodau sydd ynghlwm â'r drwydded yn cael eu harddangos yn amlwg er mwyn i bob person sy'n mynd i mewn i'r eiddo weld copi o'r drwydded a'r amodau.
15. Bydd y Trwyddedai'n cadw rheolaeth dros holl rannau'r eiddo a ni fydd yn gosod, trwyddedu nad yn trosglwyddo perchnogaeth o unrhyw ran o'r eiddo.
16. Bydd unrhyw ffi am fynediad i'r eiddo yn cael ei harddangos yn glir ac yn ddarllenadwy y tu allan i'r eiddo er mwyn i bawb ei ddarllen cyn mynd i mewn i'r eiddo.
17. Ni chaniateir gosod arddangosfa, hysbyseb, gair, llythyren, model, arwydd, hysbyslen, bwrdd, hysbysiad, dyfais, cynrychiolaeth, darlun, ysgrifen neu ddeunydd tebyg y tu allan i'r eiddo heb dderbyn caniatâd ysgrifenedig gan Gyngor Gwynedd, oni bai am yr arwyddion neu'r hysbysiadau hynny sy'n ofynnol dan amodau'r drwydded.
18. Bydd mynedfa'r eiddo yn cael ei dylunio a'i hadeiladu mewn modd fydd yn atal pobl o du allan i'r eiddo rhag gweld y tu mewn iddo.
19. Rhaid dylunio neu osod ffenestr i atal pobl sydd y tu allan i'r eiddo rhag gweld ei du mewn.
20. Ni fydd unrhyw ffenestr yn cynnwys unrhyw arwydd, deunydd hysbysebu, nwyddau neu arddangosfa sy'n debygol o achosi sarhad i unrhyw bobl sy'n mynd heibio'r ffenestr.
21. Rhaid i'r goleuadau ym mhob rhan o'r eiddo fod yn weithredol yn barhaus yn ystod yr holl amser mae'r eiddo ar agor fel sefydliad rhyw.
22. Bydd yr eiddo'n cael ei gadw i safon a chyflwr da.
23. Bydd pob rhan o'r Eiddo'n cael ei chadw mewn cyflwr glân a hylan hyd foddhad y Cyngor.
24. Bydd drysau ac agoriadau sy'n arwain i rannau o'r eiddo nad ydynt ar agor i'r cyhoedd yn cael eu marcio'n glir â "staff yn unig" neu ag arwydd arall sy'n atal y cyhoedd rhag defnyddio'r fath ddrysau neu agoriadau.
25. Bydd dyfais yn cael ei gosod ar ddrysau allanol y Sefydliad Rhyw er mwyn eu cau'n awtomatig a bydd dyfeisiau o'r fath yn cael eu cynnal a chadw er mwyn gweithio'n dda.
26. Bydd y Trwyddedai'n darparu modd o gael mynediad i'r Sefydliad Rhyw ac oddi mewn iddo ar gyfer anghenion aelodau o'r cyhoedd sy'n ymweld â'r sefydliad ac sy'n anabl.

27. Rhaid i bob arddangosfa a gweithgaredd tebyg fod yn agored ac ar gael i gwsmeriaid heb godi tâl arnynt yn ychwanegol i ffi mynediad y sefydliad a ni fydd ciwbicyls neu ystafelloedd unigol wedi'u dylunio i alluogi i bobl unigol neu grwpiau o bobl gael arddangosfeydd neu weithgaredd tebyg, heb gael awdurdod/caniatâd gan y Cyngor.
28. Rhaid gosod arwyddion rhybudd clir yn unol â Deddf (Rheoli) Arddangosfeydd Anwedus 1981 ym mynedfa'r eiddo.
29. Ni newidir defnydd unrhyw ran o'r Eiddo o'r hyn a gymeradwywyd gan y Cyngor heb dderbyn caniatâd y Cyngor.
30. Ni chaiff y defnydd newid o Sinema Rhyw i Siop Rhyw neu o Siop Rhyw i Sinema Rhyw heb dderbyn caniatâd y Cyngor.

Diogelwch

31. Bydd Deilydd y Drwydded yn cymryd pob cam rhesymol i sicrhau diogelwch y cyhoedd a'i weithwyr.
32. Bydd Deilydd y Drwydded yn cydymffurfio ag unrhyw fesurau atal tân a diogelwch sy'n ofynnol gan Wasanaeth Tân Gogledd Cymru a bydd yn cadw pob cyfarpar ymladd tân a diffodd tân a nodir ac yn sicrhau eu bod ar gael i'w defnyddio.

Ymddygiad a Rheolaeth

33. Bydd y Trwyddedai'n cadw trefn dda ar yr eiddo bob amser.
34. Ni fydd unrhyw berson iau na 18 mlwydd oed yn cael mynediad i'r eiddo.
35. Ni fydd tocynnau'n cael eu gwerthu nac unrhyw arian mynediad yn cael ei dderbyn mewn lleoliad y mae gan aelodau o'r cyhoedd, heblaw am gwsmeriaid y Sefydliad Rhyw, fynediad iddo.
36. Bydd y trwyddedai'n sicrhau nad yw'r eiddo yn cael ei ddefnyddio gan buteiniaid (gwryw neu fenyw) ar gyfer llithio neu unrhyw ddiben anfoesol.
37. Ni fydd y trwyddedai nac unrhyw berson arall yn ceisio masnach ar gyfer y sefydliad rhyw drwy lithiad personol y tu allan neu yng nghyffiniau'r sefydliad.
38. Ni chaiff unrhyw daflen, cerdyn, papur, taflen hysbysebu na deunydd tebyg yn hyrwyddo'r sefydliad neu unrhyw nwyddau neu wasanaeth a gynigir gan y sefydliad eu dosbarthu yng nghyffiniau'r sefydliad, oni bai y rhoddir awdurdodaeth/caniatâd ysgrifenedig gan Gyngor Gwynedd yn gyntaf.
39. Ni chaiff unrhyw Eitemau Rhyw nac unrhyw bethau eraill a fwriedir i'w defnyddio mewn cysylltiad â, neu er dibenion ysgogi neu annog gweithgaredd rhyw neu weithredoedd o rym neu ataliaeth, sy'n gysylltiedig â gweithgaredd rhywiol, eu dangos, eu gwerthu, eu llogi, eu cyfnewid, eu benthyg neu eu harddangos mewn Sinema Rhyw.
40. Bydd y trwyddedai'n darparu staff i sicrhau trefn dda a llwybr rhydd i gwsmeriaid ar lwybrau mynediad neu allanfa ac mewn meysydd parcio

sydd ym mherchnogaeth y trwyddedai.

41. Bydd y trwyddedai yn atal gwerthu, dangos er mwyn gwerthu neu gynnig i'w gwerthu unrhyw eitemau, nwyddau neu wasanaethau ar lwybrau mynediad neu allanfa ac mewn meysydd parcio sydd ym mherchnogaeth y trwyddedai.
42. Ni fydd unrhyw ddawnsio nac adloniant arall tebyg yn cael eu darparu na'u caniatáu oni bai yr awdurdodir hynny gan y Cyngor.

Nwyddau sydd ar gael mewn Sefydliadau Rhyw

43. Dim ond nwyddau sydd ar gael yn gyfreithiol ym Mhrydain o fannau adwerthu, cwmnïau archebu drwy'r post neu gynllunwyr partïon a gaiff eu gwerthu, eu llogi, eu benthyg neu eu cyflenwi, eu dangos, eu hysbysebu neu eu harddangos yn y sefydliad.
44. Ni chaiff unrhyw ffilm na fideo eu dangos, eu gwerthu, eu llogi, eu benthyg na'u cyflenwi oni bais eu bod (a) wedi'u pasio gan y British Board of Film Censors a bod ganddynt dystysgrif i'r perwyl hwnnw a (b) eu bod wedi'u cymeradwyo gan y Cyngor ac yn cydymffurfio â'r Ddeddf Recordiadau Fideo 1984 a'u bod yn atgynhyrchiad sydd wedi'u awdurdodi gan berchennog yr hawlfraint.
45. Bydd yr holl eitemau rhyw a'r pethau eraill a ddangosir i'w gwerthu, eu llogi, eu cyfnewid neu eu benthyg wedi'u marcio'n glir i ddangos y pris a godir.
46. Bydd y trwyddedai yn dangos ac yn darparu'n rhwydd lenyddiaeth ac enwau cyswllt a rhifau ffôn sefydliadau a chymdeithasau sy'n rhoi cyngor a chwnsela ar faterion yn ymwneud â phroblemau rhywiol, cynllunio teuluol ac afiechydon a drosglwyddir yn rhywiol, a hynny'n rhad ac am ddim.
47. Bydd yr holl ddeunydd argraffedig a gynigir i'w gwerthu, eu llogi, eu cyfnewid neu eu benthyg ar gael i'w harchwilio cyn eu prynu, eu llogi, eu cyfnewid neu eu benthyg a bydd hysbysiad i'r perwyl hwn yn cael ei arddangos yn amlwg o fewn y Sefydliad Rhyw

ATODIAD B - Amod yn ymwneud â Lleoliadau Adloniant Rhyw.

AMODAU TRWYDDED YN YMWNEUD Â LLEOLIAD ADLONANT RHYW SY'N DARPARU ADLONANT SY'N YMWNEUD Â DARPARU DAWNSIO GLIN, DAWNSIO AR BEN BWRDD AC UNRHYW ADLONANT ARALL SY'N YMWNEUD Â SIOE STRIPIO A/NEU NOETHNI.

1. Dim ond ar llwyfan ac nid yn unman arall ar yr eiddo y caniateir noethni llwyr (dinoethi genitalia).
2. Ni fydd unrhyw weithred rhywiol yn digwydd.
3. Bydd yr ardal a gynigir ar gyfer y sioe stripio (sy'n golygu noethni llwyr):-
 - (a) mewn lleoliad lle na ellir gweld y perfformiad o'r stryd.
 - (b) mewn ardal ddynodedig o'r eiddo sydd wedi'i wahanu o'r gynulleidfa.
 - (c) mewn lleoliad lle bydd gan y perfformwyr fynediad uniongyrchol i'r ystafell wisgo heb basio drwy neu'n agos i'r gynulleidfa.
4. Bydd yr ardal a gynigir ar gyfer dawnsio glin, dawnsio ar ben bwrdd (sy'n golygu noethni rhannol) mewn lleoliad lle na ellir gweld y perfformiad o'r stryd.
5. Ni fydd unrhyw gyswllt corfforol rhwng y bobl sy'n ymddangos ar y llwyfan a'r gynulleidfa. Dim ond y perfformwyr/diddanwyr fydd yn rhoi'r adloniant ac ni chaniateir i'r gynulleidfa gymryd rhan.
6. Dylai'r bobl sy'n ymddangos ar y llwyfan gael mynediad uniongyrchol i'r ystafell wisgo heb basio drwy neu'n agos i'r gynulleidfa.
7. Rhaid i'r dawnsiwr glin/dawnsiwr ar ben bwrdd wisgo'n syth ar ddiwedd bob perfformiad.
8. Ni fydd y trwyddedai, y perfformiwr ac unrhyw berson arall sy'n ymwneud â threfnu neu reoli'r adloniant yn annog, nac yn caniatáu annog y gynulleidfa i daflu arian at y perfformwyr nac yn rhoi cildwrn fel arall i'r perfformiwr (ac eithrio fel y caniateir yn amod 10 isod)
9. Dim ond y rhannau hynny o'r eiddo a ganiateir gan y Cyngor y gellir darparu adloniant a wneir gan ddawnsiwr bronnoeth i gwsmeriaid sy'n eistedd wrth y byrddau. Ni chaniateir i'r gynulleidfa gymryd rhan.
10. Ni fydd unrhyw gyswllt corfforol rhwng cwsmeriaid a'r dawnsiwr ac eithrio er mwyn rhoi arian neu dalebau yn nwylo'r dawnsiwr ar ddechrau neu ar ddiwedd y perfformiad. Tra bod y dawnsiwr yn perfformio, bydd isafswm o un metr o bellter rhwng y dawnsiwr a'r cwsmeriaid sy'n eistedd. Caiff hysbysiadau i'r perwyl hwn eu dangos yn glir ar bob bwrdd a ger y fynedfa i'r eiddo.
11. Pe byddai cwsmer yn ceisio cyffwrdd dawnsiwr, rhaid i'r dawnsiwr dynnu'n ôl ac adrodd am y mater i'w r(h)eolwr/goruchwyliwr.
12. Ni fydd unrhyw gyswllt corfforol rhwng y dawnsiwr wrth berfformio.
13. Bydd y dawnsiwr bronnoeth yn gwisgo G-string neu ddarn o ddilledyn tebyg bob amser a fydd yn gorchuddio'r rhan priodol o'r corff.
14. Bydd y Trwyddedai yn ymdrin ag unrhyw adroddiad o gyswllt, camdriniaeth neu bryfocio

gan gwsmer neu ddawnsiwr ar unwaith.

15. Ni chaiff unrhyw rif ffôn, cyfeiriad na gwybodaeth a fyddai'n arwain ar unrhyw gyfarfod pellach ei basio o gwsmer i ddawnsiwr neu fel arall.
16. Ni chaiff unrhyw ddawnsiwr berfformio os yw'n feddw.
17. Ni chaiff unrhyw aelod o'r cyhoedd ei adael i mewn ac ni chaniateir iddynt aros yn yr ardal ddawnsio os ymddengys eu bod yn feddw.
18. Bydd holl aelodau'r cyhoedd yn parhau ar eu heistedd yn yr ardal ddawnsio oni bai am pan fyddant yn cyrraedd, yn gadael, yn mynd i'r tŷ bach neu i'r bar.
19. Ni chaniateir i aelodau'r cyhoedd ymgynnull yn ardal y bar.
20. Rhaid arddangos arwyddion yn y fynedfa i'r ardal ddawnsio sy'n nodi:-

"Gofynnir i unrhyw gwsmer sy'n ceisio gwneud cyswllt corfforol â dawnsiwr adael"

Rhaid i'r arwyddion fod yn ddigon mawr, yn ddarllenadwy ac wedi'u lleoli fel y gall yr holl gwsmeriaid sy'n mynd i'r ardal ddawnsio.
21. Ni chaiff unrhyw ddawnsiwr berfformio unrhyw weithred sy'n rhywiol eglur neu'n anllad.
22. Tra bod y dawnsio'n digwydd caiff dim llai na ... (nodwch y ffigwr y cytunwyd arno)... o Oruchwylwyr Drws sydd wedi'u cofrestru dan Gynllun Cofrestru a Hyfforddi Goruchwylwyr Eiddo Trwyddedig y Cyngor eu cyflogi yn y rhan o'r eiddo a ddefnyddir ar gyfer dawnsio oni bai y cymeradwyir trefniadau amgen gan y Cyngor.
23. (a) Gosodir camerâu cylch cyfyng i gyfro'r holl ardaloedd lle bydd y dawnsio'n digwydd. Bydd yr holl gamerâu yn recordio'n barhaus tra bod yr eiddo ar agor i'r cyhoedd a chedwir y recordiadau am o leiaf 28 diwrnod, gyda'r amser a'r dyddiad wedi'u stampio arnynt.

(b) Bydd y recordiadau ar gael ar unwaith i Swyddog Awdurdodedig o'r Cyngor neu Swyddog Heddlu ynghyd â'r cyfleusterau i'w gwyllo.

(c) Darperir recordiadau ar gyfer y ddau ddiwrnod blaenorol ar unwaith ar gais. Darperir recordiadau y tu allan i'r cyfnod hwn gyda 24 awr o rybudd.

Eitem 4

PWYLLGOR:	IS-BWYLLGOR TRWYDDEDU CYFFREDINOL
DYDDIAD:	10 Mawrth 2022
TEITL:	CAIS AM DRWYDDED SIOP RYW, EVA AMOUR, 6 SGWÂR SANTES ANNE, STRYD FAWR, ABERMAW LL42 1DL
PWRPAS:	ER PENDERFYNIAD
AWDUR:	PENNAETH YR ADRAN AMGYLCHEDD

1. Derbyniwyd y cais.

- 1.1 Gweler wedi'i atodi gais am siop ryw yn 6 Sgwâr Santes Anne, Stryd Fawr, Abermaw, L42 1DL a gyflwynwyd gan David Powley a Daniel Millar, sy'n gweithredu fel DD Trading (NW) Ltd, bellach o'r un cyfeiriad.
- 1.2 Derbyniwyd a dilyswyd y cais ar 8 Chwefror 2021, ac yn unol â gofynion cyfreithiol gosodwyd hysbysiad ar yr eiddo yn ystod y cyfnod ymgynghori, a rhoddwyd hysbysiad yn y wasg leol yn ogystal.
- 1.3 Derbyniwyd 82 gwrthwynebiad yn ystod y cyfnod ymgynghori cychwynnol ac 8 o sylwadau'n cefnogi'r cais. Mae copïau o'r holl sylwadau wedi'u cynnwys yn atodiad yr adroddiad hwn.
- 1.4 Mae'r ymgeisydd yn gofyn bod y siop yn cael agor 7 diwrnod yr wythnos, o 10am hyd 6pm rhwng dydd Llun a dydd Sadwrn a hyd 4pm ar ddydd Sul.
- 1.5 Penderfynodd yr ymgeisydd agor y siop yn Rhagfyr wrth aros i'r broses o benderfynu ar y cais gael ei chwblhau. Wrth bod angen i'r pwerau disgresiwn i reoli a thrwyddedu sefydliad rhyw gael eu mabwysiadu'n ffurfiol ar gyfer de'r Sir, roedd y busnes yn gallu agor heb ei reoleiddio oherwydd nad oedd y pwerau statudol perthnasol yn dod yn weithredol tan 6 Rhagfyr 2021.
- 1.6 Mewn e-bost, dyddiedig 6 Mehefin i'r Rheolwr Trwyddedu, cadarnhaodd yr ymgeisydd ei fod yn dymuno i'r Cyngor benderfynu ar y cais yn ôl-weithredol os mai'r penderfyniad yw bod angen trwydded.

2. Rheoleiddio sefydliadau rhyw a'r broses drwyddedu

- 2.1 Mae pum rheswm gorfodol am wrthod cais - os yw'r ymgeisydd

- Yn iau na 18 mlwydd oed
- Ar hyn o bryd wedi cael ei wahardd rhag dal trwydded sefydliad rhyw
- Ddim yn gorff corfforedig ac nad yw'n byw neu nad yw wedi byw yn y DU am y chwe mis cyn dyddiad y cais hwn
- Yn gorff corfforedig sydd ddim wedi'i ymgorffori yn y DU
- Yn y 12 mis cyn dyddiad y cais hwn wedi cael gwrthod caniatâd neu gais i adnewyddu trwydded ar gyfer yr eiddo sy'n destun y cais hwn, oni bai bod y gwrthodiad wedi cael ei wrydroi mewn apêl

Nid yw unrhyw un o'r rhesymau gorfodol hyn dros wrthod yn berthnasol yn yr achos hwn.

2.2 Gellir ystyried y rhesymau dewisol a ganlyn -

- Os yw'r ymgeisydd yn anaddas ar gyfer dal y drwydded am ei fod wedi derbyn collfarn am drosedd
- Pe bai'r busnes yn cael ei reoli neu ei weithredu er budd trydydd parti fyddai ddim yn derbyn trwydded eu hunain
- Bod nifer y sefydliadau rhyw yn yr ardal leol neu o'r math penodol hwn yn yr ardal leol gyfartal neu'n uwch na'r nifer yr ystyrir yn briodol
- Yn amhriodol o ran:
 - i. Cymeriad yr ardal leol berthnasol
 - ii. Defnydd yr eiddo yn y cyffiniau
 - iii. Gosodiad, cymeriad, cyflwr neu leoliad yr eiddo

3. Pennu'r ardal leol berthnasol

- 3.1 Mae penderfynu beth sy'n cyfrif fel 'ardal leol berthnasol' yn fater i'r aelodau, yn seiliedig ar ffeithiau'r cais. Nid oes yn rhaid diffinio'r ardal leol berthnasol yn glir, ac fe all yr aelodau benderfynu bod yr ardal leol yn yr achos hwn yn cyfeirio at yr ardal sy'n amgylchynu'r eiddo ar neu wrth ymyl Sgwâr Santes Anne, ar y Stryd Fawr yn Abermaw yn yr achos hwn.
- 3.2 Unwaith y caiff yr ardal leol ei phennu, dylai'r aelodau geisio asesu 'cymeriad' yr ardal leol berthnasol, a faint, os o gwbl, o Sefydliadau Rhyw neu Sefydliadau Rhyw o fath penodol a ystyrir yn briodol ar gyfer yr ardal leol honno. Gall yr Is-bwyllgor gasglu, ar sail y ffeithiau, mai'r nifer briodol o sefydliadau o'r fath yw dim.
- 3.3 Efallai y byddai'r aelodau yn dymuno ystyried y ffactorau hyn -
- A yw'r ardal gyfagos yn un o natur breswyl yn bennaf?
 - A yw'r eiddo'n agos at ysgol neu eiddo a ddefnyddir gan blant neu oedolion bregus?
 - A yw'r eiddo wedi'i leoli mewn gofod agored sy'n hygyrch i'r cyhoedd ac y mae plant neu oedolion bregus yn mynd iddo'n rheolaidd?
 - A yw'r eiddo'n agos i fan addoli?
 - A yw'r eiddo o fewn ardal siopa i deuluoedd?

4. Y Sefyllfa Gyfreithiol a Pholisi'r Cyngor

- 4.1 Ar 7 Hydref, mabwysiadodd Cyngor Gwynedd ddarpariaethau Deddf Llywodraeth Leol (Darpariaethau Amrywiol) 1982 (y Ddeddf) fel y'i haddaswyd gan Ddeddf Plismona a Throsedd 2009 ("Deddf 2009") i reoleiddio 'Sefydliadau Rhyw', a daeth y system drwyddedu'n weithredol ar 6 Rhagfyr 2021, ar draws ardal Gwynedd. Fel y gŵyr aelodau'r pwyllgor hwn, yn flaenorol, nid oedd darpariaethau'r Ddeddf, ac felly'r system drwyddedu, ond wedi'i mabwysiadu yn ardal Arfon o'r Sir, cyn ad-drefnu llywodraeth leol yn 1996 oherwydd bod un cais siop ryw hanesyddol wedi'i dderbyn ar gyfer yr ardal honno. Dim ond wrth i'r Gwasanaeth Trwyddedu baratoi i drefnu gwrandawriad ar gyfer y cais hwn, nôl ym mis Ebrill 2021 y daeth y sefyllfa hon i'r amlwg.
- 4.2 Nawr bod darpariaethau'r Ddeddf wedi'u mabwysiadu'n llawn, mae'n bosib cyfeirio'r cais a dderbyniwyd i gael ei benderfynu gan y pwyllgor hwn, gan ystyried y ddeddfwriaeth, Datganiad y Cyngor ar Bolisi Trwyddedu Sefydliadau Rhyw a'r holl sylwadau a dderbyniwyd

ar y cais. Fel y nodwyd eisoes, mae'r ymgeisydd wedi rhoi caniatâd i'r cais yma gael ei benderfynu yn ôl-weithredol.

- 4.3 Gall Sefydliad Rhyw fod un ai'n Siop Ryw neu'n Sinema Ryw; cais am Siop Ryw yw hwn. Mae siop ryw yn eiddo a ddefnyddir ar gyfer busnes sy'n cynnwys gwerthu nwyddau rhyw i raddau sylweddol.
- 4.4 Gan fod y cais wedi dilyn gweithdrefnau sefydledig o ran ei dderbyn, yr ymgynghori a'i hysbysebu, sydd wedi cael eu hymgorffori i'r Polisi a fabwysiadwyd yn ddiweddar, tybir bod y cais yn ddilys ac yn barod i gael ei benderfynu gan bwyllgor.
- 4.5 Mae unrhyw unigolyn sy'n dymuno rhedeg Sefydliad Rhyw yn unol â diffiniad y Ddeddf angen trwydded sefydliad rhyw, oni bai bod yr awdurdod priodol wedi hepgor y gofyn am drwydded. Gan fod darpariaethau'r Ddeddf wedi cael eu mabwysiadu'n llawn erbyn hyn ni all unrhyw fusnes o'r fath weithredu yn ardal Gwynedd heb drwydded ddilys. Gan fod y busnes hwn wedi ymgeisio am drwydded yn ôl ym mis Chwefror 2021, cyn mabwysiadu'r system drwyddedu i holl ardal Gwynedd, nid oedd gan y Cyngor unrhyw bwerau i atal y busnes rhag agor heb drwydded ar y pryd. Deallir bod y busnes wedi bod yn Masnachu ers mis Rhagfyr 2021.
- 4.6 Os caniateir trwydded, mae'r Polisi'n caniatáu ar gyfer ychwanegu amodau a/neu gyfyngiadau ar y drwydded a gall hyn gynnwys amodau o ran oriau agor; arddangosfeydd a hysbysebion ar y sefydliad; pa mor weledol yw tu mewn y siop o'r tu allan ac ati.
- 4.7 Ni ellir ond caniatáu trwydded ar gyfer Sefydliad Rhyw am gyfnod o 12 mis. I adnewyddu trwydded Sefydliad Rhyw byddai'n rhaid dilyn yr un broses ymgeisio fel cais newydd a byddai'n cael ei gyflwyno bob tro i'r Pwyllgor hwn er penderfyniad.

5. Sylwadau cychwynnol a dderbyniwyd

- 5.1 Derbyniwyd 90 o sylwadau, gyda 82 yn gwrthwynebu'r Drwydded arfaethedig ac 8 yn cefnogi'r bwriad. Mae'r holl sylwadau a dderbyniwyd wedi'u hatodi yn atodiad yr adroddiad hwn. Ymysg y sylwadau gan drigolion, derbyniwyd gwrthwynebiadau hefyd gan ddiagoniaid Eglwys Crist, Eglwys Bresbyteraidd Cymru a'r Cyngor Cymuned ac offeiriaid lleol. Cyflwynwyd sylwadau ar y cais gan Heddlu Gogledd Cymru, Gwasanaeth Tân ac Achub Gogledd Cymru ac Adran Iechyd yr Amgylchedd a Safonau Masnach y Cyngor gan gadarnhau nad oedd ganddynt unrhyw wrthwynebiadau i'r cais (gweler atodiad).
- 5.2 Wedi trafodaethau gyda'r ymgeisydd, a gan fod 11 mis wedi mynd heibio ers cynnal yr ymgynghoriad ar y cais, cafodd y penderfyniad ei wneud i ganiatáu i holl ymatebwyr y cais ailystyried eu sylwadau. Anfonwyd llythyr ar 28 Ionawr at bawb a ymatebodd yn gychwynnol, i alluogi'r cyfle i addasu sylwadau, neu i ddileu eu sylwadau yn gyfan gwbl.
- 5.3 Derbyniwyd 22 o sylwadau, 20 yn cadarnhau eu gwrthwynebiad i'r cais, gyda 5 ohonynt yn cyflwyno sylwadau wedi'i haddasu. Roedd un ymatebwr wedi gofyn am ddileu ei wrthwynebiad, yn seiliedig ar y ffaith nad oedd yr arddangosfa ffenestr siop yn peri tramgwydd fel yr ofnid i ddechrau. Roedd un ymatebwr oedd yn cefnogi'r cais wedi gwneud sylwadau ar y broses â ddilynir er mwyn penderfynu ar y cais.

5.4 Felly, i sicrhau tegwch, penderfynwyd y gall yr ymgeisydd gyflwyno tystiolaeth o enwau unigolion oedd yn gefnogol i'r busnes a'r cais trwyddedu. Roedd yr ymgeisydd wedi cyflwyno sylwadau o gyfryngau cymdeithasol, ac enwau unigolion oedd wedi cefnogi deiseb ar-lein, yn ogystal â deiseb bapur wedi'i llofnodi'n lleol.

6. Seiliau'r Gwrthwynebiadau a dderbyniwyd

6.1 Roedd nifer o'r gwrthwynebiadau'n seiliedig ar bryderon ynghylch lleoliad y siop ryw drwyddedig arfaethedig. Y prif wrthwynebiadau a godwyd amlaf yw -

- Ni fyddai'r drwyddedig arfaethedig yn cydweddu â chymeriad tref glan môr fechan sy'n denu teuluoedd.
- Mae'r siop wedi'i lleoli yng nghanol ardal fasnachu'r dref, drws nesaf i siop elusen lle mae oedolion bregus yn aml yn gweithio.
- Mae The Factory Shop union gyferbyn sy'n gwerthu nwyddau cymysg ac yn denu siopwyr teuluol.
- Mae croesfan i gerddwyr (yr unig un ar y stryd fawr) o'r Factory Shop dros y ffordd yn union at flaen y siop arfaethedig, ac mae plant ysgol yn defnyddio'r groesfan hon am fod y ffordd yn un brysur. Yn aml yn ystod amseroedd prysur, mae plant ac oedolion yn gorfod aros y tu allan i flaen y siop cyn medru croesi'r ffordd brysur.
- Mae Eglwys Crist wrth ymyl y Factory Shop; mae'r eglwys yn cael ei defnyddio ar gyfer addoli ac ar gyfer gwasanaethau crefyddol yn ogystal â dibenion cymunedol eraill.
- Nodwyd gan lawer bod angladdau a phriodasau'n cael eu cynnal yn aml yn y Capel, ac y byddai cael siop ryw gyferbyn ag ef yn annymunol i alarwyr ac addolwyr eraill. Mae'r cais yn datgan y byddai'r siop ar agor ar ddydd Sul.
- Mae'r Geidiaid a'r Brownis yn defnyddio'r Capel i gyfarfod a chynnal gweithgareddau.
- Mae lleoedd i deuluoedd eistedd yn yr awyr agored yn Sgwâr Santes Anne, ac mae teuluoedd yn mynd yna'n aml.
- Oddeutu 200 llath i ffwrdd mae canolfan chwarae i blant o'r enw Bendigedig (dylai aelodau'r pwyllgor nodi bod yr ymgeisydd wedi derbyn gwybodaeth bod y busnes yma erbyn hyn wedi cau felly dylai'r sylwadau a gyflwynwyd gan berchnogion y busnes, a'r sylwadau ynghylch y busnes yma gael eu diystyru).
- Mae fflatiau preswyl uwchben nifer o'r eiddo manwerthu ar y Stryd Fawr, a nifer o deuluoedd ifanc yn byw yn agos i'r siop.
- Mae'r stryd fawr wastad yn brysur gyda theuluoedd ifanc yn dod o'r traeth yn ystod gwyliau'r ysgol, ac mae'n amhosib osgoi lleoliad y siop.
- Mae tafarn ar un ochr i'r siop gydag ardal eistedd y tu allan.
- Honna'r ymgeisydd fod yna ddrws ochr digon disylw i gael mynediad i'r siop, ond mae llawer o'r ymatebwyr yn teimlo bod hyn yn gamarweiniol, oherwydd mai drws ar gyfer y fflat sydd uwchben y siop yw hwn, a cheir mynediad i'r siop trwy ddrws cyfochrog o'r cyntedd.
- Cred rhai ymatebwyr y defnyddir yr enw 'Eva Amour' fel gorchudd brandio ac nad yw'r cais yn adlewyrchu'n gywir y cynnyrch a'r digwyddiadau eithafol y mae'r cwmni DD Trading (NW) Ltd. yn arbenigo ynddynt.
- Mae'r feithrinfa Oasis Nursery wedi mynegi pryder ei bod yn anodd osgoi lleoliad y siop wrth gerdded o amgylch y dref gyda'r plant sydd yn eu gofal.
- Noda rhai ymatebwyr na fyddai'r ymgeisydd yn datgan bod mynediad yn cael ei reoli trwy ddrws ochr oni bai bod posibilrwydd o niwed.

- Noda ymatebwyr y byddai'r ymgeisydd yn dymuno hyrwyddo'r siop fel cyrchfan, ond mae hyrwyddo Abermaw fel cyrchfan ar gyfer twristiaeth rhyw yn groes i bob dim y mae Abermaw yn dymuno ei hyrwyddo.
- Mae'n rhaid i blant ysgol gynradd gerdded heibio'r siop i gyrraedd y trênn, yn ogystal â phlant ysgol uwchradd.
- Cynhelir marchnad yng nghanol y dref ddwywaith yr wythnos yn rheolaidd.

6.2 Derbyniwyd sylwadau eraill yn holi'r hyn a ganlyn -

- P'un a fyddai'r siop mewn gwirionedd yn denu cymaint o gyflogaeth â'r hyn a nodwyd yn y cais. Yn realistig, honnir bod hyn gyfystyr ag un swydd lawn amser, ac mae llawer o'r ymatebwyr yn teimlo bod effaith negyddol y busnes ar y dref yn gorbwyso'r buddion o bell ffordd.
- Mae'r honiad y gellir darparu cwnsela ar iechyd rhywiol ac iechyd meddwl yn cael ei amau gan nifer o'r ymatebwyr, gyda nifer yn nodi mai'r Meddygon Teulu Lleol a gweithwyr proffesiynol cymwysedig eraill fyddai orau i ddarparu gwasanaeth o'r fath
- Mae nifer o'r gwrthwynebwyr yn amau honiad yr ymgeiswyr o ran faint o arian fydd y busnes yn ei wario yn y swyddfa bost leol.
- Mae'r ymatebwyr yn ofni y bydd yn denu'r math anghywir o ymwelwyr i'r dref glan môr deuluol boblogaidd hon - ac y bydd yn troi yn gyrchfan i bartïon stag a phlu ac ati.
- Mae nifer o ymatebwyr yn credu y bydd y busnes, oherwydd ei leoliad, yn cael effaith andwyol ar werthiant busnesau gerllaw, ac y byddai'n peri i rai cwsmeriaid beidio â phrynu ganddynt.
- Nododd nifer o ymatebwyr y dylid ymestyn y cyfnod ymgynghori yn sgil y cyfnod clo i alluogi mwy o bobl i ymateb cyn y gwrandawriad.
- Oherwydd ei natur, nid yw'r math hwn o sefydliad yn cynnwys mwyafrif y boblogaeth a'r ddemograffeg leol.
- Roedd rhai o'r ymatebwyr yn bryderus y byddai'r math o ddigwyddiadau/gweithdai yn adlewyrchu'r math o ddigwyddiadau mae'r cwmni yn eu cynnal yn eu sefydliad arall yng Nghaer.
- Mae un ymatebwr, ar ôl cynnal rhywfaint o ymchwil, yn amlygu pryder bod y cais yn gorddatgan hyfywdra'r cwmni.
- Mae ymatebwyr yn nodi eu bod wedi teimlo'n chwithig wrth egluro natur y busnes arfaethedig i blant chwilfrydig sydd wedi darllen rhai o'r sylwadau ar y cyfryngau cymdeithasol.
- Mae pryder wedi'i ddatgan nad yw'r ymgeisydd o bosib yn disgrifio gwir natur a diben y siop fanwerthu yn Abermaw.

6.3 Dylai'r aelodau ystyried yr holl sylwadau yng nghyd-destun y seiliau gorfodol a dewisol dros wrthwynebu yn y Ddeddf, a amlinellwyd eisoes yn adran 2 yr adroddiad hwn. Dylent hefyd ystyried y cais a'r sylwadau yng nghyd-destun Polisi'r Cyngor. Yn benodol, dylid ystyried yn ofalus addasrwydd lleoliad y busnes fel siop ryw drwyddedig. Ni ddylai'r gwrthwynebiadau fod yn seiliedig ar seiliau/gwerthoedd moesol ac ni ddylai aelodau wrthod y cais ar sail o'r fath.

6.4 Roedd y sylwadau wedi eu diweddarau wedi cynnwys y sylwadau a ganlyn -

- Roedd ychydig o ymatebwyr wedi nodi bod gan berchennog y siop ddiffyg ystyriaeth ar gyfer teimladau'r gymuned wrth agor y busnes cyn bod y cais wedi'i benderfynu. Roedd yr unigolyn yn cydnabod nad oedd unrhyw rwystr cyfreithiol yn atal y siop rhag agor ar y pryd.
- Ers y sylwadau cychwynnol, mae'r swyddfa bost wedi cau, neu yn y broses o gael ei chau ac mae cownter y swyddfa bost yn cael ei symud i'r siop Spar leol. Mae ymatebwyr yn bryderus am y pwysau ychwanegol y bydd archebion ar-lein o Eva Amour yn eu rhoi ar y cownter swyddfa bost sydd ar wasanaeth wedi ei gwtogi yn y dref.
- Mynegodd rhai o'r ymatebwyr bryder am rai casgliadau sy'n cael eu gwneud ar dudalen Rhwydweithio Abermaw ar Facebook gan yr ymgeisydd o ran yr effeithiau posib o wrthod trwydded; yn benodol y byddai'n fwy anodd rheoleiddio beth mae'r ymgeisydd yn arddangos yn ffenestr yr eiddo.

6.5 Ni dderbyniwyd unrhyw wrthwynebiadau gan Heddlu Gogledd Cymru. Mae'r gwrthwynebiadau ysgrifenedig (heb gynnwys manylion personol) wedi'u hatodi i'r adroddiad.

7. Sylwadau a dderbyniwyd i gefnogi'r cais

7.1 Derbyniwyd 8 sylwad yn cefnogi'r cais. Roedd yr ymatebwyr o'r farn y byddai'r siop yn ehangu amrywiaeth y siopau oedd ar gael yn Abermaw trwy gydol y flwyddyn, ac na fyddai'n cystadlu â busnesau eraill ac y byddai'n sicrhau bod yna un siop wag yn llai yn y dref. Ni dderbyniwyd unrhyw sylwadau wedi eu diweddarau gan ymatebwyr oedd yn gefnogol o'r cais. Mae'r ymgeisydd wedi cyflwyno gwybodaeth i'r pwyllgor yn amlinellu'r gefnogaeth ar gyfer y busnes yn y gymuned ehangach a thu hwnt.

7.2 Mae manylion llawn y sylwadau yn yr atodiad i'r adroddiad hwn.

8. Argymhelliad

8.1 Mae'r cais wedi cael ei ystyried, ynghyd â'r gofynion cyfreithiol, Datganiad y Cyngor ar Bolisi Trwyddedu Sefydliadau Rhyw, a'r holl sylwadau a wnaed ar y cais. **Argymhellir i'r Pwyllgor wrthod y cais ar y sail nad yw'n cyd-fynd â chymeriad yr ardal gyfagos a bod lleoliad arfaethedig yr eiddo yn agos i eiddo a fynychir gan blant ac oedolion bregus.**

CYNGOR GWYNEDD COUNCIL



Deddf Llywodraeth Leol (Darpariaethau Amrywiol) 1982

Local Government (Miscellaneous Provisions) Act 1982

Cais am Drwydded Sefydliad Rhyw

Sex Establishment Licence Application

1.	Enw'r Ymgeisydd: Name of Applicant:	David Powley Daniel Miller
2.	Dyddiad Geni: Date of Birth:	20/4/1965 15/09/1991
3.	Man geni: Place of Birth:	Bexley Liverpool
4.	Os yn wraig briod, nodwch eich enw Morwynol: If married woman, please state maiden name:	N/A
5.	Cyfeiriad yr Ymgeisydd: Address of Applicant:	Unit 5 & 6, Wrexham Signs Ind Est, Hawarden Road, Caergwrle, Wrexham LL12 9BB
6.	Am ba hyd y buoch yn byw yn y Deyrnas Unedig yn union cyn y cais: Length of residence in UK immediately prior to application:	Since birth
7.	Enw Perchennog y Busnes (os yw'n wahanol i'r ymgeisydd): Name of Owner of Business (if different from applicant):	N/A
8.	Os bydd y cais yn cael ei wneud ar ran corff corfforaethol (Cyfarwyddwyr ac ati), rhodwch enw'r corff ac enwau a chyfeiriadau preifat y cyfarwyddwyr: If application is made on behalf of corporate body (Directors etc), please give name of body and names and private addresses of the directors:	DD Trading (NW) Ltd. Unit 5 & 6, Wrexham Signs Ind Est, Hawarden Road, Caergwrle, Wrexham, LL12 9BB
9.	Rhowch fanylion am unrhyw euogfarnau (ac eithrio mân droseddau moduro) unrhyw berson a enwir yn y cais hwn, gan gadw mewn cof y darpariaethau yn y Ddeddf Ailsefydlu Troseddwy'r 1974: Please give details of any convictions (excluding minor motoring offences) of any person named in this application, bearing in mind the provisions of the Rehabilitation of Offenders Act 1974:	N/A

10.	Cyfeiriad yr adeilad y mae'r cais hwn yn ymwneud ag ef: Address of premises to which this application relates:	6 St Annes Square, High Street, Barmouth, LL42 1DL
11.	Disgrifiad byr o'r eiddo, gan roi manylion ystafelloedd fydd yn cael eu mynychu gan y cyhoedd: Brief description of the premises, giving details of rooms to be frequented by the public:	Shop with window display (boxed off so public cannot see into shop) – window display never showing any product – lifestyle/relationship-based displays– hearts, photographs, store branding and logo, artistic, up-market etc. See additional notes. Front door not used for public – customers will need to use the side door for corridor towards flat and enter through a dog-leg second door – prevents easy access from street and “accidental” entry. See additional notes and plan. Shopfloor area with product – no DVDs or Magazines will be sold. Boutique style branding and design – not seedy/tacky. No “sex shop” signs etc. Private offices on first floor to run the online side of the business. Nobody under the age of 18 will be allowed inside under any circumstances and ID will be required if we believe they are under this age. We will also be using Challenge 25 to ensure we are not selling to those under 18. CCTV will be present on entrance door on the street, giving staff advance notice of people entering the store, giving us the ability to age check before entry. Counter will be just inside door again allowing staff to monitor customer’s ages as they enter. Branding – Shop will be called Eva Amour with the tagline Love Life – not offensive or vulgar, upmarket, boutique sounding, minimalistic, stylish and modern. Store will be a place for customers to also discuss sexual and mental health (we aim to promote this and hope to run events/ workshops based around these matters).
12.	Oes angen trwydded ar gyfer: Is licence required for: (a) Siop Rhyw / Sex Shop (b) Sinema Rhyw / Sex Cinema	(a) Siop Rhyw / Sex Shop


	(c) Y ddau / Both	
13.	Rhowch ddyddiau'r wythnos a'r amseroedd pan fydd y safle ar agor i'r cyhoedd: Please give days of the week and the times during which the premises will be open to the public:	Online and physical store business- Offices on first floor and shop will be open between 10am and 6pm Mon-Fri. Saturday – 10am-6pm – shop only Sunday 10am – 4pm – shop only At certain times, we may operate using a doorbell to enter on the inner door, allowing us to perform age checks and only opening the shop up when required.
14.	Llofnod / Signed:...D Powley.....D Miller..... Dyddiad y cais / Date of application:08/02/21.....	

DIOGELU DATA:

Bydd y wybodaeth hon yn cael ei defnyddio yn y broses o ystyried y cais a gellir ei hanfon at gyrff awdurdodedig, gan gynnwys: Yr Heddlu, Budd-daliadau, Cynghorwyr, Cyllid y Wlad

DATA PROTECTION:

This information will be used in the process of considering the application and may be sent to authorised bodies including: Police, Benefits, Councillors, Inland Revenue



Sex Shop License – Eva Amour

6 St Annes Square, High Street, Barmouth, LL42 1DL

About DD Trading (NW) Ltd.

DD Trading (NW) Ltd has been trading for approximately 11 years. We specialise in providing adult sexual health and pleasure products to thousands of customers and hundreds of other adult stores across the world.

As well as our online retail outlet, we also have a wholesale company dedicated to providing adult products to stores within the UK and throughout Europe.

DD Trading (NW) Ltd currently employs 3 full time members of staff and 1 part time member of staff. We are also currently looking for a new team member to join the company.

We have not only survived various market dips, recessions and lockdowns, but we have actually grown and increased in turnover during these uncertain times.

Our business is a year-round business, not just operating within the summer season. We are primarily online based and we have proved over the last 10 years that our business model works. We would be moving from a double unit on an industrial estate, just outside of Wrexham to take the next step forward to allow our customers to visit in store. We often get asked whether we would open a physical store, so we are answering the call that we have heard.

We are a proud Welsh company and believe in sourcing locally where possible. A number of our own products are fabricated within the North Wales area, and this is something our customers really love.

Adult stores are generally destination stores and we believe that by opening in Barmouth, we could potentially bring in more tourists to the area, particularly out of season.

We also intend to become a part of the community, and we would want to promote local events via our social media channels to help draw tourists into the area.

Opening in Barmouth would allow us to bring employment into the area with a year-round, sustainable and proven business-model.

According to a recent American study, half of women use pleasure products, and many couples now opt for pleasure products rather than more traditional gifts for Valentine's Day, so there's certainly a market there!

Our Window display

We know that some people can be offended by seeing adult pleasure products and lingerie on display, and for this reason, we believe it is much better to use our window display in other ways.

Firstly, our window display would be boxed so that passers by could not see into the shop. This would prevent wandering eyes and those underage from seeing inside and help shoppers inside feel more at ease.

We intend to use our window display to be based around love and relationships. We would decorate the display using our branding and with props such as hearts, statues, columns and pictures and posters of couples together. We would design it in a way that creates an upmarket-boutique feel and fit within the style of our brand. We would use the window display as more of an art piece reflecting emotions of love, and not as a place to thrust products into the faces of passers by. See attached examples and mood board.

Access

Access to our store would not be through the existing front door of the shop. We intend to create a new access route, which would see customers enter through the corridor of the flat and into the shop via a door to the right of this inside. This dog-leg style entrance helps us to control who may and may not enter and stops passers by “popping their heads around the door” or those that “accidentally” enter the shop. It would also allow us to prevent under 18’s from entering the store. See attached floor plan.

Shopfloor

The shopfloor features a front and back area. No DVDs, Magazines or R18 material will be sold in our store at all. The shop counter will be just inside the door, allowing us to monitor customers who enter and allowing us to perform age checks if required. See attached floor plan.

Offices

The first floor will see offices for staff to operate our well established online side of the business. Staff will be able to easily pop to and from the offices if needed and there will be a direct telephone line between the two.

Age Restrictions

Nobody under the age of 18 will be allowed inside under any circumstances. ID will be required for those who look under 18 and we will be operating a strict Challenge 25 policy. No products will be sold to minors at all.

CCTV

CCTV will be fitted throughout the store, protecting our customers and keeping the store secure.

There will be cameras near to the main entrance giving us notice when someone is about to enter the store and helping us to prepare for any age checks that may be required.

Sexual and Mental Health

We plan to offer sexual and mental health support within the store too, in the way of workshops and support sessions. We hope to involve local sexual health and mental health services to provide our customers and the community a safe place to come and chat about these issues.

Sexual health can often affect mental health, so adult products can be beneficial to our happiness and wellbeing. We like to say that we sell happiness!

Branding

Our brand is an up-market, boutique-style adult store, where we focus on high quality products. We try to source ethically as much as we can to ensure that our customer's pleasure isn't at someone else's misery. We do not sell cheap, tacky, novelty items, but more Apple-esque style products.

Our brand, Eva Amour, has the tagline Love Life. We sell products for our customer's love life and we also want our customers to love life!

At Eva Amour, we don't believe in the "sex shop" stereotype of seedy shops with tacky products. Our store will be designed in a fresh, modern style. We don't refer to our products as "sextoys", but more as "pleasure products". We believe that the days of walking down a back alley and through a dark doorway to pick up some dirty magazines are long gone, and we want to bring our new, fresh approach of adult products to Barmouth.





























